

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 19. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", broj 26/08, 21/09 i 33/21), Vlada Kantona Sarajevo, na 72. sjednici održanoj 31.03.2022. godine, donijela je

**ODLUKU****O DAVANJU PRETHODNE SAGLASNOSTI ZA  
OSNIVANJE PREDŠKOLSKE USTANOVE "PČELICE"****I**

Daje se prethodna saglasnost Društvu sa ograničenom odgovornošću Sarajevo "ANI-BH" Sarajevo, za osnivanje privatne Predškolske ustanove "Pčelice", sa sjedištem u Sarajevu, ulica Džemala Bijedića broj 160, općina Novi Grad Sarajevo.

**II**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-13241-8/22  
31. marta 2022. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 72. sjednici održanoj 31.03.2022. godine, donijela je

**ODLUKU****O USVAJANJU PROJEKTA REKONSTRUKCIJE I  
INTEGRACIJE OPERACIONIH SALA JU OPĆA  
BOLNICA "PRIM. DR. ABDULAH NAKAŠ"****I**

Usvaja se Projekat rekonstrukcije i integracije operacionih sala JU Opća bolnica "Prim. dr. Abdulah Nakaš".

**II**

Sredstva za realizaciju Projekta iz tačke I ove odluke planirana su Budžetom Kantona Sarajevo za 2022. godinu, ekonomski kod 615300 - KAU0C3 - Rekonstrukcija i integracija operacionih sala JU Opća bolnica "Prim. dr. Abdulah Nakaš", u iznosu od 1.000.000 KM - iz kreditnog zaduženja.

**III**

Zadužuje se Ministarstvo finansija Kantona Sarajevo da u skladu sa Procedurama zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", broj 10/11 i 7/19) pokrene propisane procedure o kreditnom zaduživanju za Projekat iz tačke I ove odluke.

**IV**

Zadužuje se Zavod za izgradnju Kantona Sarajevo da vrši poslove stručnog nadzora nad izvođenjem radova u okviru Projekta rekonstrukcije i integracije operacionih sala JU Opća bolnica "Prim. dr. Abdulah Nakaš".

**V**

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-13241-26/22  
31. marta 2022. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 10. stav (3) Zakona o izvršavanju Budžeta Kantona Sarajevo za 2022.

godinu ("Službene novine Kantona Sarajevo", broj 5/22), Vlada Kantona Sarajevo, na 72. sjednici održanoj 31.03.2022. godine, donijela je

**ODLUKU****O KRITERIJIMA ZA RASPODJELU SREDSTAVA  
TEKUĆE REZERVE BUDŽETA KANTONA SARAJEVO****Član 1.**

Ovom odlukom utvrđuju se kriteriji za raspodjelu sredstava tekuće rezerve Budžeta Kantona Sarajevo (u daljem tekstu: sredstva tekuće rezerve).

**Član 2.**

Sredstva tekuće rezerve planirana u Budžetu Kantona Sarajevo za 2022. godinu (u daljnjem tekstu: Budžet) koriste se za nepredviđene namjene za koje u Budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva jer ih pri planiranju Budžeta nije bilo moguće predvidjeti.

**Član 3.**

Korištenje sredstava tekuće rezerve po zahtjevu budžetskog korisnika uz prethodno mišljenje Ministarstva finansija Kantona Sarajevo (u daljem tekstu: Ministarstvo finansija) odobrava Vlada Kantona Sarajevo (u daljnjem tekstu: Vlada), ukoliko:

- a) postoji hitna potreba za budžetskim sredstvima koja budžetski korisnik nema planirana u svom budžetu ili nisu planirana u dovoljnom iznosu,
- b) se dodatni rashodi nisu mogli predvidjeti pri planiranju Budžeta i
- c) potreba za dodatnim sredstvima se ne može odgoditi za narednu budžetsku godinu.

**Član 4.**

- (1) Budžetski korisnik podnosi Ministarstvu finansija zahtjev za korištenje sredstava tekuće rezerve u kojem navodi:
  - a) razloge i obrazloženje za korištenje sredstava tekuće rezerve,
  - b) potreban iznos sredstava tekuće rezerve i na osnovu čega je iznos izračunat,
  - c) obrazloženje zašto se rashod nije mogao predvidjeti pri planiranju Budžeta i
  - d) obrazloženje zašto se dodatna sredstva ne mogu uzeti iz planiranih sredstava budžeta budžetskog korisnika kroz preraspodjelu.
- (2) Ministarstvo finansija razmatra zahtjev budžetskog korisnika i ukoliko je zahtjev opravdan, prijedlog odluke o korištenju sredstava tekuće rezerve dostavlja Vladi na donošenje.

**Član 5.**

Korištenje sredstava tekuće rezerve po kriterijima iz ove odluke može odobriti i premijer Kantona Sarajevo, do iznosa 25.000 KM kvartalno.

**Član 6.**

Stupanjem na snagu ove odluke prestaje da važi Odluka o kriterijima za raspodjelu sredstava iz tekuće rezerve Budžeta Kantona Sarajevo ("Službene novine Kantona Sarajevo", broj 18/09).

**Član 7.**

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-13241-25/22  
31. marta 2022. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada